



Siège national
47 rue d Clichy
75311 Paris Cedex 09
Tél : 01 45 96 03 05

FIARAHA-MIVAVAKA MARDI 6 OCTOBRE

Pasteur Seth RASOLONDRAIBE

" Naissance et présentation de Jésus

Luc 2.1-39

Amin'ny anaran'ny Ray sy ny Zanaka sy ny Fanahy Masina

HIRA 73.1 (Indro zazakely)

Vavaka

Teny fampidirana ny -Ny nahaterahan'i Jesosy.....

HIRA 73.2 (Jeso zaza hendry)

Vakiteny 1 Lioka 2.1-11

1Ary tamin'izany andro izany dia nisy didy navoak'i Aogosto Kaisara hampanoratra ny anaran'ny vahoaka rehetra amin'ny fanjakany. 2(Izany no fanoratana voalohany fony fony Kyrenio nanapaka tany Syria.) 3Dia samy nankany amin'ny tanànan'ny avy izy rehetra mba hosoratana. 4Ary Josefa koa niakatra avy tany Galilia, dia avy tao an-tanàna Nazareta, hankany Jodia, ho ao an-tanànan'i Davida, izay atao hoe Betlehema (satria avy tamin'ny taranak'i Davida sy ny mpianakaviny), 5mba hosoratana izy sy Maria fofom-badiny, izay efa bevohoka. 6Ary raha nitoetra teo Izy, dia tonga ny andro hahavelomany. 7Ary niteraka ny Lahimatoany izy, dia nohodidiny lamban-jaza ka nampandriny teo amin'ny fihinanam-bilona; fa tsy nisy nitoerany tao an-tranom-bahiny. 8Ary nisy mpiandry ondry tamin'izany tany izany nitoetra tany an-tsaha nitandrina ny ondry tamin'ny alina. 9Ary nisy anjelin'ny Tompo nitsangana teo anilany, ary ny voninahitry ny Tompo nanelatrelatra manodidina azy, ka raiki-tahotra indrindra izy. 10Ary hoy ny anjely taminy: Aza matahotra; fa, indro, milaza teny soa mahafaly aminareo aho, dia fifaliana lehibe izay ho an'ny olona rehetra; 11fa Mpamonjy no teraka ho anareo anie ao an-tanànan'i Davida, dia Kristy Tompo.

Fanazavana Fohy

HIRA 14.1

VAVAKA ISAM-PIANAKAVIANA

-Te. hanao zavatra lehibe amin'ny alalanao Atra

VAVAKA MPITANDINA

VAKITENY 2. Lioka 2.12-21

12Ary izao no ho famantarana ho anareo: ianareo hahita Zazakely voahodidina lamban-jaza sady mandry ao am-pihinanam-bilona; 13Ary nisy anjely maro be avy any an-danitra niseho tampoka niaraka tamin'ilay anjely teo ka nidera an'Andriamanitra nanao hoe: 14Voninahitra any amin'ny avo Indrindra ho an'Andriamanitra! Ary fiadanana ho etỳ ambonin'ny tany amin'ny olona ankasitrahany

15Ary tamin'izany rehefa niala teo aminy ireo anjely ireo ka nankany an- danitra, dia niresaka ireo lehilahy mpiandry ondry ka nanao hoe: Andeha isika hankany Betlehema ka hizaha izany zavatra vao tonga izany, izay nampahafantarin'ny Tompo antsika. 16Dia nandeha faingana izy ka nahita an'i Maria sy Josefa, ary ny Zazakely nandry teo am-pihinanam-bilona. 17Ary nony efa nahita izy, dia nampielay izay teny nolazaina taminy ny amin'izany Zaza izany. 18Ary izay rehetra nandre dia gaga tamin'izay zavatra nolazain'ny mpiandry ondry taminy. 19Fa Maria kosa nitadidy izany teny rehetra izany ka nieritreritra azy tao ampony. 20Ary ny mpiandry ondry niverina nankalaza ny nidera an'Andriamanitra noho ny zavatra rehetra izay reny ny hitany, araka izay nolazaina taminy. 21Ary rehefa tapitra ny havalooana, ka hoforana ny Zaza, dia nataony hoe Jesosy ny anarany, araka ilay nataon'ny anjely, fony tsy mbola torontonina tao an-kibo Izy.

Fanazavana fohy vokatry ny mazava

HIRA 14.2

VAVAKA ISAM-PIANAKAVIANA

VAVAKA MPITANDRINA.....

VAKITENY 3. Lioka 2.22-29

22Ary rehefa tapitra ny andro **fidiovany**, araka ny lalàn'i Mosesy, dia nitondra Azy niakatra tany Jerosalema izy mba hatolotra ho an'ny Tompo 23araka ny voasoratra ao amin'ny lalàn'ny Tompo hoe: **Ny lahy voalohan-teraka rehetra hatao hoe masina ho an'i Jehovah.** (Eks. 13. 2) 24ary mba hanatitra fanatitra araka izay voalaza ao amin'ny lalàn'ny Tompo hoe: domohina roa, na zana-boromailala roa (Lev. 12. 8).

25Ary, indro, nisy lehilahy atao **hoe Simeona tao Jerosalema**; ary marina sady mpivavaka tsara izany lehilahy izany ka niandry ny fampiononana ny Isiraely; ary ny **Fanahy Masina dia tao aminy**. 26Ary efa nambaran'ny Fanahy Masina taminy fa tsy hahita fahafatesana izy mandra-pahitany ny Kristin'ny Tompo. 27Ary nentin'ny Fanahy Masina niditra teo an-kianjan'ny tempoly izy; ary rehefa nampidirin'ny ray aman-dreniny Jesosy zaza mba hanaovany araka ny fomban'ny lalàna ny amin'ny zaza, 28dia nitro Azy izy ka nidera an'Andriamanitra nanao hoe: 29Tompo ô, ankehitriny ny mpanomponao dia alefanao amin'ny fiadanana Araka ny teninao;

Fanazavana fohy

Hira 14.3

VAVAKA ISAM-PIANAKAVIANA

-Ho an'ny tanorantsika sy ny zaza

-Ho an'ny raiamandreny

-Ho an'ny marary.....

VAVAKA MPITANDINA

VAKITENY 4. Lioka 2.30-39

30Fa ny masoko efa nahita ny famonjena, 31Izay namboarinao teo anatrehan'ny firenena rehetra, 32Dia fahazavana hahazava ny firenena sady voninahitry ny Isiraely olonao. 33Dia gaga ny ray aman-dreniny noho ny teny nilazana Azy. 34Ary Simeona nitso-drano azy ireo ka nanao tamin'i Maria, renin'ny Zaza, hoe: Indro, Ity Zaza ity no voatendry ho fandavoana sy ho fananganana ny maro ao amin'ny Isiraely ary ho famantarana holavina 35ary ny fanahinao aza dia hotsatohana sabatra - mba haseho ny hevitra ny fo maro. 36Ary nisy mpaminanivavy anankiray, dia Ana, zanakavavin'i Fanoela, avy tamin'ny firenen'i Asera; efa anti-panahy tokoa izy ary efa nitoetra tamin'ny vadiny fito taona taorian'ny naha-virijina azy, 37ary efa mpitondratena tokony ho efatra amby valo-polo taona; ary tsy niala teo an-kianjan'ny tempoly izy, fa nanompo tamin'ny fifadian-kanina sy ny fivavahana andro aman'alina. 38Ary nony niditra tamin'izany ora izany izy, dia nisaotra an'Andriamanitra ka nilaza Azy tamin'izay rehetra niandry ny fanavotana tao Jerosalema. 39Ary rehefa vitany ny zavatra rehetra araka ny lalàn'ny Tompo, dia niverina tany Galilia izy, dia tao Nazareta tanànany

Fanazavana Fohy:

HIRA 73.3

VAVAKA ISAM-PIANAKAVIANA

MALALAKA

VAVAKA MPITANDINA + VAVAKA NAMPIANARIN'NY TOMPO

Teny FANDRAVONANA

Jao 3.16-17

Fa toy izao no nitiavan'Andriamanitra izao tontolo izao: nomeny ny Zanani-lahy Tokana, mba tsy ho very izay rehetra mino Azy, fa hanana fiainana mandrakizay. 17Fa Andriamanitra tsy naniraka ny Zanaka ho amin'izao tontolo izao hanameloka izao tontolo izao, fa mba hamonjeny izao tontolo izao.

HIRA 79

TSO-DRANO